

STATÜTS

da la corporaziun da vschinaunchas pel trafic public in Engiadin'Ota

Cuntgnieu

Disposiziuns generelas.....	4
Art. 1 Nom, natüra giuridica e sedia	4
Art. 2 Scopo.....	4
Art. 3 Pusiziun giuridica.....	5
Art. 4 Vschinaunchas commembras.....	5
Organisaziun.....	5
Art. 5 Organs.....	5
La totalited da las personas cun dret da vuscher in tuot las vschinaunchas commembras	6
Art. 6 Cumpetenza	6
Art. 7 Votaziuns	6
Art. 8 Referendum facultativ	6
Art. 9 Iniziativa	7
La radunanza da delegios	8
Art. 10 Cumposiziun, dret da vuscher	8
Art. 11 Cumpetenza	8
Art. 12 Convocaziun.....	8
Art. 13 Trattativas	9
Art. 14 Decisiuns.....	9
Art. 15 Tractandas.....	9
Art. 16 Möd da votaziun.....	9
Art. 17 Möd da tscherner.....	10
Art. 18 Indemnisaziun dals delegios.....	10
Art. 19 Publicited.....	10
La suprastanza.....	10
Art. 20 Cumposiziun, düreda d'uffizi	10
Art. 21 Dret da vuscher.....	11
Art. 22 Incumbenzas e cumpetenzas	11
Art. 23 Convocaziun.....	11
Art. 24 Decider	12
Art. 25 Dret da suottascriver	12
La cumischiun da gestiun / Il post da revisiun.....	12
Art. 26 Cumischiun da gestiun.....	12

Finanzas	12
Art. 27 Quint annuel e rapport da gestiun.....	12
Art. 28 Mezs finanziaels.....	13
Art. 29 Respunsabilitad finanziaela.....	13
Survagliaunza dal stedi, respunsabilitad e cuntaisas	13
Art. 30 Survagliaunza e mezs leghels	13
Art. 31 Respunsabilitad.....	14
Art. 32 Cuntaisas	14
Disposiziuns finelas e transitoricas	14
Art. 33 Sortida	14
Art. 34 Aboliziun.....	14
Art. 35 Revisiun dals statüts	14
Art. 36 Recepziun	15
Art. 37 Entrer in vigur	15

Disposiziuns generelas

Art. 1 Nom, natüra giuridica e sedia

Suot il nom Corporaziun da vschinaunchas pel trafic public in Engiadin'Ota (numneda in seguit corporaziun da vschinaunchas) exista üna corporaziun da vschinaunchas da dret public i'l sen da l'art. 50 ss. da la ledscha da vschinaunchas dal chantun Grischun.

La corporaziun da vschinaunchas ho ün'egna personalited giuridica ed es da düreda illimiteda.

La sedia da la corporaziun da vschinaunchas as rechatta a Samedan.

Art. 2 Scopo

La corporaziun da vschinaunchas sgürescha in coordinaziun cul chantun e cun la confederaziun l'avertüra da l'Engiadin'Ota cun mezs dal trafic public e stimulescha l'adöver pü frequent da quels.

A la corporaziun da vschinaunchas suottastaun las intrapraisas da transport chi sun activas in Engiadin'Ota sül sector dal trafic public, independentamaing da lur fuorma giuridica.

A sto liber a las vschinaunchas ed als privats da creer resp. da fer creer spüertas in cumplettaziun dal trafic public offrieu da la corporaziun da vschinaunchas i'l ram da quists statüts. Quistas spüertas nu sun suottamissas a quists statüts, sun però da coordiner cun la spüerta da la corporaziun da vschinaunchas.

Per accumplir il scopo vegnan in consideraziun las seguintas imsüras:

a) Concepziun da la spüerta

In cunvegna cul chantun Grischun e la confederaziun es la spüerta dal trafic public in Engiadin'Ota es da drizzer tenor ils bsögns da la populaziun indigena e dals giasts e stu garantir l'avertüra attractiva da l'intera corporaziun da vschinaunchas. La corporaziun da vschinaunchas, in concordanza cul chantun, es respunsabla pel traget da las lingias e l'urari dal trafic public illa spüerta supplementera.

b) Tariffas coordinedas ed imsüras da tariffas

Tariffas coordinedas sun cunvegna traunter intrapraisas da trafic. Ellas pussibiliteschan l'adöver d'ün unic bigliet ad üna tariffa independenta dal mez da trafic, da l'intrapraisa da trafic e dal lö da müder. Tuot las intrapraisas da transport activas sül territori dal trafic public chi survegnan prestaziuns da la confederaziun, dal chantun e / u da la corporaziun da vschinaunchas a basa da la ledscha chantunela davart il trafic public resp. a basa da quists statüts, paun gnir obliedas da la corporaziun da vschinaunchas da collavurer cun tariffas coordinedas.

La corporaziun da vschinaunchas po integrer, resp. fer integrer il trafic public in

üna paletta da spüertas insembel cun otras spüertas (carta pels giasts, carta pels indigens eui.)

c) Imsüras chi surpassan la corporaziun da vschinaunchas

Imsüras chi surpassan la corporaziun da vschinaunchas vegnan promovidas, sch'ellas sun i'l interess da l'Engiadin'Ota e scha'ls interessos our dadour l'Engiadin'Ota as partecipeschan.

d) Ulteriuras imsüras

Ulteriuras imsüras chi faciliteschan l'adöver dals mezs da trafic public u chi promouvan cha's müda sün els.

Art. 3 Pusiziun giuridica

Illa dimensiun da sias incumbenzas as metta la corporaziun da vschinaunchas al lö da las vschinaunchas affiliatedas ed ho in quist sector lur drets ed obligs, inclusivmaing il dret dad inchascher taxas e contribuziuns.

Art. 4 Vschinaunchas commembras

Commembers da la corporaziun da vschinaunchas sun las vschinaunchas da Bever, Celerina / Schlarigna, La Punt Chamues-ch, Madulain, Puntraschigna, Samedan, S-chanf, Sils i.E. / Segl, Silvaplauna, San Murezzan, Zuoz.

Tuot las vschinaunchas politicas da la regiun Malögia paun gnir commembers. A resta resalvo l'art. 55 da la lescha da vschinaunchas dal chantun Grischun.

La recepziun da vschinaunchas a drizza tenor l'art. 36 da quists statüts.

La corporaziun da vschinaunchas po stipuler cunvegnas da prestaziun cun otras vschinaunchas our dadour l'Engiadin'Ota.

Organisaziun

Organs

Art. 5 Organs

Ils organs da la corporaziun da vschinaunchas sun:

- la totalited da las personas cun dret da vuscher da las vschinaunchas commembras,
- la radunanza da delegios,
- la suprastanza,
- la cumischiun da gestiun.

Per la preparaziun da tschertas fatschendas e per examiner problems particulars paun gnir determinedas cumischiums d'experts.

La totalited da las personas cun dret da vuscher in tuot las vschinaunchas commembras

Art. 6 Cumpetenzza

La totalited da las personas cun dret da vuscher da tuot las vschinaunchas commembras es l'organ suprem da la corporaziun da vschinaunchas. Quist tira sias decisiuns cun resalva da l'art. 35 cun la magiurited da tuot las vuschs valablas da las personas cun dret da vuscher da las vschinaunchas commembras e la magiurited da las vschinaunchas commembras. Il resultat da la votaziun dal pövel in mincha vschinauncha vela scu vusch da la vschinauncha.

L'organ suprem es impustüt respunsabel per

- a) decreter e modifier ils statüts,
- b) decider davart expensas unicas da pü cu CHF 250'000.00,
- c) decider davart expensas chi's repetan da pü cu CHF 50'000.00,
- d) decider davart progets e fatschendas cha la radunanza da delegios suottametta a las personas cun dret da vuscher per decider,
- e) decider davart progets, cunter ils quêls ad es gnieu fat ün referendum,
- f) decider davart progets, pels quêls ad ho do ün'iniziativa,
- g) l'aboliziun da la corporaziun da vschinaunchas.

Art. 7 Votaziuns

Las votaziuns davart progets da ledschas vegnan fattas in mincha vschinauncha u a l'urna u illa radunanza cumünela.

Per votaziuns determinescha la suprananza in cunvegna cun las vschinaunchas commembras ün termin, infra il quêl ellas stöglan gnir fattas.

Las prescripziuns da las vschinaunchas respectivas vegnan applichedas confuorm al sen. A vela subsidiermaing la ledscha davart il drets politics i'l chantun Grischun.

Las suprananzas cumünelas faun il necessari e comunicheschan infra duos dis a la corporaziun da vschinaunchas ils resultats da las votaziuns in fuorma d'ün protocol.

Art. 8 Referendum facultativ

Decisiuns da la radunanza da delegios vegnan suottamissas a la votaziun dal pövel,

- scha la radunanza da delegios decida que,
- scha vain pretais il referendum infra 90 dis daspö la decisiun d'almain trais

vschinaunchas a basa d'üna decisiun da seis organ cumpetent, u d'almain 400 votants our da las vschinaunchas commembras.

Decisiuns da la radunanza da delegios chi suottastaun al referendum facultativ sun da publicher immediatamaing. Ellas haun pür validited leghela zieva cha'l termin da referendum es scadieu.

La votaziun dal pövel vain per regla fatta infra 90 dis zieva cha'l referendum es gnieu fat.

Na suottamiss al referendum sun tuot las decisiuns da la radunanza da delegios chi nu surpassan cuosts nets d'üna vouta da la corporaziun da vschinaunchas da CHF 50'000.00 u cuosts nets annuels da CHF 25'000.00, scu eir tuot las decisiuns i'l ram da las expensas liedas.

Art. 9 Iniziativa

Sün via d'iniziativa paun propuoner

- almain trais vschinaunchas a basa d'üna decisiun da lur organ cumpetent
- u almain 400 personas cun dret da vuscher our da las vschinaunchas commembras

il decret, l'aboliziun u la modificaziun d'üna tractanda chi tuocho illa cumpetenza da la radunanza da delegios u üna revisiun dals statüts.

L'iniziativa po gnir inoltrada a la suprananza illa fuorma d'ün'intimaziun u d'ün sböz formulo. Ella es da motiver.

Infra dundesch mais daspö l'inoltraziun ho la radunanza da delegios da suottametter ün'iniziativa valabla a las personas cun dret da vuscher per la votaziun, eventuelmaing in colliaziun cun üna cuntraproposta, per quaut ch'ella nu la metta sül stedi da decisiun u sch'ella es drizzada sün üna revisiun parziela u totela dals statüts.

La radunanza da delegios ho da refüser sainz'oter, ma cun motivaziun, iniziativas invalablas ed illegheles.

La dumanda d'ün'iniziativa po gnir revochada dals prüms ses suotsegnos fin a desch dis aunz la decisiun tres la radunanza da delegios, per quaut ch'ella nu cuntegna üna clausula da retratta cun oter cuntgnü. In quista po la retratta da la dumanda d'iniziativa bainschi gnir cumplichada, ma brich esclusa.

Dal rest sun decisivas las disposiziuns illa ledscha davart ils drets politics i'l chantr Grischun.

La radunanza da delegios

Art. 10 Cumposiziun, dret da vuscher

Illa radunanza da delegios exerciteschan ils rapreschantants determinos da las vschinaunchas lur drets ed obligs.

Mincha vschinauncha determinescha ad ün delegio scu eir ad ün substitut, pel cas cha'l delegio es impedièu. Ils delegios vegnan tschernieus dals organs cumpetents illas vschinaunchas commembras.

Illa radunanza da delegios dispuona mincha vschinauncha d'üna vusch fin a milli abitants. Per ulteriurs milli abitants u per üna part da que survain la vschinauncha üna vusch supplementera. Ün'unica vschinauncha nu po disponer da dapü vuschs cu la totalited da las ulteriuras vschinaunchas.

Art. 11 Cumpetenzza

Ad es surtuot chosa da la radunanza da delegios da

- a) tscherner als commembers da la suprananza scu eir la cumischiun da gestiun e dal post da revisiun extern,
- b) approver il preventiv,
- c) piglier incunter il rapport da gestiun scu eir il quint annuel e decider davart der dis-charg a la suprananza e fixer las contribuziuns annuelas,
- d) decider davart expensas d'üna vouta ill'otezza da fin a CHF 250'000.00 scu eir davart expensas chi's repetan da fin a CHF 50'000.00 e davart conceder ils credits respectivs,
- e) decreter las disposiziuns executivas necessarias tar quists statüts u l'ordinaziun necessaria;
- f) decider, sch'üna fatschenda i'l sen da l'art. 6 lit. d saja da suottametter a las personas cun dret da vuscher per la decisiun,
- g) fixer l'indemnizaziun dals commembers da la suprananza e da la cumischiun da gestiun,
- h) decider davart imsüras per promover il trafic public,
- i) stipuler cunvegnas da prestaziun cun vschinaunchas chi nu faun part da la corporaziun da vschinaunchas,
- j) decider davart modificaziuns essenzielas da la spüerta dals bus chi vain finanzieda unicamaing da la corporaziun da vschinaunchas (spüerta supplementera), scu p. ex. l'aboliziun da lingias u modificaziuns pü grandas da la spüerta (tact, traget da las lingias eui.),
- k) determiner e tscherner ün secretariat,
- l) evader tuot las ulteriuras incumbenzas transferidas ad ella tes ils statüts.

Art. 12 Convocaziun

La radunanza da delegios as raduna tenor bsögn, però almain duos voutas l'an. A

sun da tratter il preventiv, il quint annuel ed il rapport da gestiun.
Ella as raduna ultra da que, scha

- a) il president u la suprastanza considerescha que per necessari,
- b) almain trais delegios da vschinaunchas u
- c) trais vschinaunchas commembras pretendan que.

Als delegios ed a las vschinaunchas commembras vegnan comunicos in scrit il lö, il temp e las tractandas, inclusivmaing la documentaziun respectiva, e que quattordesch dis ouravaunt. Als delegios ed a las vschinaunchas commembra. La documentaziun vain eir exposta a la sedia da la corporaziun da vschinaunchas.

La suprastanza ho dad orienter a temp las vschinaunchas commembras davart fatschendas importantas, per ch'ellas possan piglier pusiziun aunz la tschanteda da la radunanza da delegios.

Art. 13 Trattativas

La radunanza da delegios vain presidieda dal president u vicepresidente u dad ün oter commember da la suprastanza.

Il president indichescha ad ün actuar chi scriva il protocol. Quist es da trametter als delegios ed a las vschinaunchas commembras e da suottametter a la prosma radunanza da delegios per l'approvaziun.

Per evader las fatschendas po la radunanza da delegios decreter ün uorden da gestiun.

Art. 14 Decisiuns

Mincha radunanza da delegios convocheda confuorm a l'uorden es abla da decider.

Art. 15 Tractandas

La radunanza da delegios po be decider davart tractandas chi sun gnidas predeliberedas da la suprastanza e chi figüreschan sülla glista da tractandas.

Art. 16 Möd da votaziun

Las votaziuns vegnan per regla fattas aviertamaing. Sün proposta da tschinch delegios sun ellas da fer in scrit. Decisiva tar la votaziun avierta e la votaziun in scrit es la magiurited absoluta da las vuschs valablas. In cas da parited da vuschs ho il president la vusch da tagl.

Art. 17 Möd da tscherner

Tschernas singulas vegnan fattas tres magiurited aviarta, premiss cha nun es avant maun pü cu üna proposta electorela u cha tschinch delegios pretendan la tscherna secreta.

Tschernas cumplexsivas succedan medemmamaing tres magiurited aviarta. Ellas paun gnir fattas da maniera cumplexsiva, scha las premissas da l'al. 1 sun dedas e scha que nu fo dabsögn d'üna successiun.

Ultra da que vegnan las tschernas fattas in scrit e secretamaing tenor il princip da la magiurited absoluta; vuschs vödas ed invalablas nu vegnan consideredas.

In cas da tschernas cumplexsivas vegnan quintedas insembel tuot las vuschs da candidats valablas e divisas tres il numer dobel dals mandats chi vegnan surdos. Il prossem numer pü ot es la magiurited absoluta.

Sch'üna tscherna nu gratagia in cas da tschernas singulas u scha sun tschernieus pü pochs candidats cu que cha sun da tscherner in cas da tschernas cumplexsivas, ho lö üna seguonda tscherna per quists mandats, tar la quela vela la magiurited relativa. In cas da parited da vuschs decida la sort.

Art. 18 Indemnisaziun dals delegios

Ils delegios vegnan indemnisos tres lur vschinauncha electorela.

Art. 19 Publicited

Las radunanzas da delegios sun publicas.

La suprastanza

Art. 20 Cumposiziun, düreda d'uffizi

La suprastanza es l'organ executiv da la corporaziun da vschinaunchas e consista dal president e da ses ulteriurs commembers. La suprastanza as constituescha sves.

Tar la tscherna da la suprastanza es dad observer üna rapreschantanza equilibreda da las vschinaunchas, da l'hotellaria, da las telefericas scu eir da las organisaziuns da turissem.

La suprastanza vain adüna tschernida per üna düreda d'uffizi da quatter ans chi cumainza als 1. schner. La düreda d'uffizi maximela importa 12 ans.

In cas ch'ün commember da la suprastanza sorta da la suprastanza d'uraunt la perioda d'uffizi curraunt, stu gnir fatta üna tscherna substitutiva in occasiun da la prosma radunanza da delegios. Il commember nouvelet aintra illa perioda d'uffizi dal commember chi sorta. Üna substituziun es esclusa.

Art. 21 Dret da vuscher

Commembers da la suprastanza nun haun üngün dret da vuscher a la radunanza da delegios, lur dret da fer propostas es però garantieu.

Art. 22 Incumbenzas e cumpetenzas

Ad es chosa da la suprastanza da

- a) preparar tuot las fatschendas cha la radunanza da delegios ho da tratter,
- b) executer las decisiuns da la radunanza da delegios e decreter reglamaints,
- c) preparar annuelmaing la clusiun dal quint ed il preventiv,
- d) cumpiler annuelmaing ün rapport da gestiun davart l'activited,
- e) numner cumischiuns d'experts e tscherner lur commembers,
- f) tscherner a duos commembers da la suprastanza chi rapreschaintan la corporaziun da vschinaunchas illa giunta da coordinaziun da las tariffas coordinadas Engiadin'Ota,
- g) rapreschanter la corporaziun da vschinaunchas vers l'exteriur, impustüt invers las autoriteds ed in cuntaisas giuridicas,
- h) evader tuot las fatschendas chi nu tuochan tenor ledscha u statüts i'l champ da cumpetenzas d'ün oter organ,
- i) tuot las ulteriuras incumbenzas cha la radunanza da delegios attribuescha ad ella,
- j) survaglier e controller in coordinaziun cul chantun las intrapraisas dal trafic public in quels secturs chi nu vegnan già reglos tres legislaziun surordinada.

Ultra da que regla la radunanza da delegios las incumbenzas e cumpetenzas da la suprastanza illas disposiziuns executivas.

Art. 23 Convocaziun

Il president convochescha la suprastanza tenor bsögn u sün dumanda d'almain duos commembers.

L'invid es da trametter als commembers almain set dis ouravaunt, indichand las tractandas.

Art. 24 Decider

Mincha tschanteda da supranza convocheda confuorm a l'orden es abla da decider.

Art. 25 Dret da suottascriber

Il president u il vicepresidente ho insembel cun ün ulteriur commember da la supranza il dret da suottascriber giuridicamaing valabel per la corporaziun da vschinaunchas.

La cumischiun da gestiun / Il post da revisiunArt. 26 Cumischiun da gestiun

La cumischiun da gestiun (CdG) vain constituida da trais commembers da la cumischiun da gestiun da las vschinaunchas affiliedas a la corporaziun da vschinaunchas; els stöglan fer part da las cumischiuns da gestiun da trais vschinaunchas differentas. Ella as consituescha svest.

La düreda d'uffizi importa quatter ans. La düreda d'uffizi maximela importa 12 ans.

Sch'ün commember da la CdG sorta düraunt üna perioda d'uffizi, vain fatta üna tscherna substitutiva. Il commember nouvelet da la CdG aintra illa perioda d'uffizi dal commember chi sorta.

Per l'examinaziun dal quint i'l sen pü stret vain tschernieu ün post da revisiun extern.

FinanzasArt. 27 Quint annuel e rapport da gestiun

L'an da gestiun correspuonda a l'an chalendari.

La corporaziun da vschinaunchas ho da render quint annuelmaing fin als 31 marz davart las interas finanzas e da compiler ün rapport da gestiun davart sias activiteds.

Zieva la decisiun da la radunanza da delegios sun il quint annuel, il rapport da gestiun ed il preventiv d'expuoner publicamaing düraunt 30 dis a la sedia da la corporaziun da vschinaunchas ed illas chanzlias cumünelas da las vschinaunchas affiliedas.

Art. 28 Mezs finanziaels

Las imsüras per promover il trafic public in Engiadin'Ota vegnan finanziedas impustüt our da las seguintas funtaunas da finanziaziun:

a) contribuziuns da la confederaziun e dal chantun tenor la legislaziun correspondent e l'approvaziun dal preventiv da las instanzas cumpetentas.

b) Contribuziuns da las vschinaunchas

Las vschinaunchas portan ils cuosts restants na cuvernos dal trafic public in Engiadin'Ota. Quists cuosts vegnan distribuieus sün las vschinaunchas tenor quantited d'abitants, forza finanzia ed interess vi dal trafic.

Las vschinaunchas inchaschan taxas da trafic per personas chi daun alloggi scu eir taxas da trafic da proprietaris da chesas da vacanzas e d'abitaziuns da vacanzas. L'otezza da las taxas vain fixeda in ün reglamaint.

c) Contribuziuns da privats

La corporaziun da vschinaunchas po fixer cun personas privatas üna contribuziun vi dal trafic public chi correspuonda a lur profit direct.

d) Bigliets

In cunvegna cul chantun e cun las intrapraisas da transport fixescha la suprastanza la politica da predschs strategica pels biglietti.

La suprastanza as drizza tenor que chi'd es confuorm sül marchio, tenor la pretaisa cha'ls utilisaders dal trafic public hegian da güder a'l purter e tenor il böt da promover il trafic public.

Ils cuosts na cuvernos resultan dals cuosts cumplessivs dal trafic public in Engiadin'Ota minus las contribuziuns da la confederaziun e dal chantun.

Art. 29 Respunsabilitèd finanziaela

Pels impegns da la corporaziun da vschinaunchas es respunsabla la faculted da la corporaziun.

In cas cha quista nun es sufficiainta, haun las vschinaunchas commembras da fer pajamaints supplementers in proporziun a lur parts dals cuosts.

Survagliaunza dal stedi, respunsabilitèd e cuntaisas

Art. 30 Survagliaunza e mezs legghels

La survagliaunza dal stedi da la corporaziun da vschinaunchas ed ils mezs legghels cunter decisiuns dals organs as drizzan tenor la legislaziun chantunela.

Art. 31 Responsabilitè

La responsabilitè dals organs as drizza tenor il dret chantunel.

Art. 32 Cuntaisas

Cuntaisas da dret da facultè traunter la corporaziun da vschinaunchas ed üna vschinauncha commembra vegnan güdichedas tenor la legislaziun davart la procedura dal chantun Grischun.

In cas d'intschertezzas es decisiv il text dals statüts in lingua tudascha.

Disposiziuns finelas e transitoricas

Art. 33 Sortida

Zieva üna commembranza da tschinch ans po üna vschinauncha commembra sortir da la corporaziun da vschinaunchas sün la fin d'ün an chalendari, observand il termin da desditta da duos ans (a resta resalvo l'art. 52 al. 1 lit. i ledscha da vschinaunchas).

Cun resalva da cunvegnas divergentas perda la vschinauncha chi sorta mincha dret vi da la facultè da la corporaziun. Per impegn existents da la corporaziun da vschinaunchas resta inavaunt il termin da pajamaint posteriur.

Art. 34 Aboliziun

L'aboliziun da la corporaziun da vschinaunchas po gnir decisa cun la magiurited da las persunas cun dret da vuscher da tuot las vschinaunchas commembras e cun l'approvaziun d'almain quatter tschinchevels da las vschinaunchas commembras.

In cas d'aboliziun da la corporaziun da vschinaunchas vain liquidada sia facultè tres ün procuratur indicho da la radunanza da delegios, per quaut cha l'accomplimaint dal scopo da la corporaziun nu vain surpiglio d'ün oter subject da dret adatto. Ün suravaunz chi resta zieva l'eliminaziun da tuot ils impegn vain scumpartieu sün las vschinaunchas affliedas a norma da lur parts dals cuosts tenor ils statüts.

Art. 35 Revisiun dals statüts

Ils statüts paun adüna gnir revais dal tuot u parzielmaing. Per decider velan las disposiziuns in l'art. 6. Modificaziuns dals statüts in que chi riguarda il scopo e las incumbenzas da la corporaziun da vschinaunchas stöglan gnir approvedas da tuot las vschinaunchas partecipadas.

Revisiuns dals statüts drouvan l'approvaziun da la regenza per esser giuridicamaing valablas.

Art. 36 Recepziun

La recepziun da vschinaunchas na auncha affiliedas succeda cun la magiurited da tuot las vuschs valablas da las personas cun dret da vuscher da las vschinaunchas commembras e cun la magiurited da la vschinaunchas commembras. Il resultat da la votaziun dal pövel da mincha vschinauncha vela scu vusch cumünela.

Art. 37 Entrer in vigor

Ils preschaints statüts aintran in vigor zieva l'acceptaziun da la totalited da las personas cun dret da vuscher da tuot las vschinaunchas commembras e zieva l'approvaziun da la regenza.

Decisiun da la radunanza cumünela dals.....

Vschinauncha da Bever

.....
Il president

.....
L'actuar

Decisiun da la radunanza cumünela dals

Vschinauncha da Celerina / Schlarigna

.....
Il president

.....
L'actuar

Decisiun da la radunanza cumünela dals

Vschinauncha da La Punt Chamues-ch

.....
Il president

.....
L'actuar

Decisiun da la radunanza cumünela dals

Vschinauncha da Madulain

.....
Il president

.....
L'actuar

Decisiun da la radunanza cumünela dals

Vschinauncha da Puntraschigna

.....
Il president

.....
L'actuar

Decisiun da la radunanza cumünela dals

Vschinauncha da Samedan

.....
Il president

.....
L'actuar

Decisiun da la radunanza cumünela dals

Vschinauncha da S-chanf

.....
Il president

.....
L'actuar

Decisiun da la radunanza cumünela dals

Vschinauncha da Sils i.E. / Segl

.....
Il president

.....
L'actuar

Decisiun da la radunanza cumünela dals

Vschinauncha da Silvaplauna

.....
Il president

.....
L'actuar

Decisiun da la votaziun a l'urna dals

Vschinauncha da San Murezzan

.....
Il president

.....
L'actuar

Decisiun da la radunanza cumünela dals

Vschinauncha da Zuoz

.....
Il president

.....
L'actuar